

# ARTHRITIDE

QVAM

RECTORE ACADEMIAE MAGNIFICENTISSIMO  
SERENISSIMO PRINCIPE AC DOMINO  
DOMINO

## GVILIELMO HENRICO

DVCE SAXONIAE, IVLIACI, CLIVIAE, MONTIVM, ANGARIAE,  
GVESTPHALIAEQVE, RELIQA,

AVCTORITATE ET CONSENSV  
GRATIOSISSIMÆ FACVLTATIS MEDICAE  
IN ALMA SALANA  
SVB PRAESIDIO

## HERM. FRIDER. TEICHMEYERI

PHIL. ET MED. DOCT. ANATOMIAE, CHIRVURGIAE AC BOTANICES P. P. O.  
SERENISSIMORVM SAXONIAE DVCVM VINARIENSIS ATQVE ISNACENS. CONSI-  
LIARII AVLICI ET ARCHIATRI, ACAD. IMPERIAL. LEOPOLD.

CAROLIN. AC SOC. SCIENT. REG. BORVSS. SODALIS

PATRONI ET PRAECEPTORIS SVI COLENDISSIMI

## PRO LICENTIA

SVM MOS IN ARTE MEDICA HONORES  
IVRA ET PRIVILEGIA DOCTORALIA  
LEGITIME, MORE MAIORVM, CONSEQUENDI  
PVBLICAE ET SOLENNI DISQVISIONI

SVBMITTIT AVCTOR

## HEINRICVS PETRVS EICHMANN

HERTZBERGA - HANNOV.

AD DIEM FEBRVAR. M DCC XXXIII.

HORIS ANTE ET POMERIDIANIS.

---

LENAE, LITERIS HORNIANIS.



THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N.Y.

DATE

BY

FOR

RECEIVED

LIBRARY

18

**V I R O**  
**PERILLVSTRI,**  
**GENEROSISSIMO ATQVE EXCELLENTISSIMO**  
**D O M I N O**  
**ERNESTO DE STEINBERG**

SACRI ROMANI IMPERII LIBERO BARONI  
MAGNAE BRITANNIAE REGIS ET ELECTORIS BRVN-  
SVICENSIS AC LVNEBVRGENSIS CONSILIARIO IN-  
TIMO ET DVCATVS GRVBENHAGENSIS PRAEFECTO  
HAEREDITARIO DOMINO IN BODENBVRG  
ET RELIQA

**DOMINO MEO GRATIOSISSIMO**

**HANC DISSERTATIONEM INAVGVRALEM**

**OMNI ANIMI SVBMISSIONE**

**D. D. D.**

**HENRICVS PETRVS EICHMANNVS.**



Q. M. I. 15. O. O.

THE UNIVERSITY OF CHICAGO

CHIEF OF POLICE

THE UNIVERSITY OF CHICAGO

THE UNIVERSITY OF CHICAGO

# M A D R I G A L.

**S** Ehrtester, Du triffst die Wahl,  
Indem Du Dich aus Zipperlein wilst  
wagen.

Warum? Pabst, Kayser, Cardinal  
Sind schon bereit, Dir grossen Danck zu sa-  
gen:

Hygea will die erste seyn,  
Und reichet Dir, als ihrem ächten Sohne,  
Vor solchen Fleiß, den Purpur = Hut zum  
Lohne.

Hiermit solte seinen schuldigsten Glückwunsch  
abstatten des Herrn DOCTORANDI

Schuldigster Diener,

Him. Fried. Sinnfogel,

Der Arzney-Kunst beflissener.



THE NEW YORK PUBLIC LIBRARY

ASTEN LENOX TILDEN FOUNDATION  
500 FIFTH AVENUE  
NEW YORK



THE NEW YORK PUBLIC LIBRARY  
ASTEN LENOX TILDEN FOUNDATION  
500 FIFTH AVENUE  
NEW YORK

THE NEW YORK PUBLIC LIBRARY  
ASTEN LENOX TILDEN FOUNDATION  
500 FIFTH AVENUE  
NEW YORK

THE NEW YORK PUBLIC LIBRARY  
ASTEN LENOX TILDEN FOUNDATION  
500 FIFTH AVENUE  
NEW YORK

THE NEW YORK PUBLIC LIBRARY  
ASTEN LENOX TILDEN FOUNDATION  
500 FIFTH AVENUE  
NEW YORK

THE NEW YORK PUBLIC LIBRARY  
ASTEN LENOX TILDEN FOUNDATION  
500 FIFTH AVENUE  
NEW YORK

THE NEW YORK PUBLIC LIBRARY  
ASTEN LENOX TILDEN FOUNDATION  
500 FIFTH AVENUE  
NEW YORK





S. I.



ARTHRITIDEM, ἀπὸ τῆ ἀρθρῆς, ab articulo, tanquam parte affecta, originem trahere, certum atque indubitatum est. Hinc etiam communi nomine morbus articularis salutatur; a CELSO dolor articularum, ab HELMONTIO morbus volupe viventium, a Gallis *la Goutte*, item ab aliis latine Gutta vocatur, quoniam putarunt, defluxionem hancce successive & quasi guttatim fieri, teste FORESTO; ab aliis nominatur *Synovia*, quia morbus hic  
A 2 sedem

---

\* Lib. XXIX. Observat. med. tit. de Arthritide. Multi Medici priscis temporibus statuebant, materiam arthriticam fluere a capite successive ad partes. De hac thesi disputarunt LAVRENTIVS, FERNELIVS, FRAMBOISIERIVS, RIVERIVS, SENNERTVS, ZACVTYS, &c. Vide CHESNEAV, Massiliensis, *Observationes medicas*, (Lugdun. Batav.) lib. 4. Cap. I. pag. 373.



sedem plerumque habet in aqua illa mucilaginosa articu-  
 ri, synovia dicta, vel quia morbus occupat illas partes, quæ  
 a synovia humectantur. Alii per jocum arthritidem appel-  
 lant morbum divitum, vel dominorum, quia hi plenitudi-  
 nem succorum sibi laudatissimis alimentis acquirunt, a qua  
 hic morbus plerumque originem ducit.

## §. II.

Non semper autem arthritidis universalis est, nec  
 omnes corporis partes simul extorquet; sed modo hanc,  
 modo illam infestat, quo tempore vaga dicitur: Si vero  
 in uno loco, & per certum tempus, dolor constanter per-  
 manet, fixa audit. Pro partium affectarum diversitate va-  
 ria sortitur nomina. Si circa maxillam ferociat, *Siagonogra*,  
 circa collum *Trochleagra*, vel *Trachleagra*, circa spinam dorsi  
*Rachisagra*, circa scapulas *Omagra*, circa cubitum *Pechiagra*,  
 circa lumbos *Lumbago*, circa coxam *Ischiadicus dolor*, vel *Coxa-*  
*gra* nuncupatur; si autem manus, earumque digitorum arti-  
 culos, infestat, *Chiragra*, si genu, *Gonogra*, si denique pedes,  
*Podagra* salutatur.

## §. III.

Est vero arthritidis dolor plus minus vehemens articu-  
 lorum, vel periodice recurrens, vel ad certum tempus  
 perdurans, quem tumor & rubor circa articulos concomi-  
 tantur; dependens ab humoribus vitiatis, stagnantibus,  
 partes nervosas lancinantibus, prementibus, & distendenti-  
 bus, ac subinde ibi concrefcentibus.

## §. IV.

Dudum disputatum fuit, quid generis loco in hoc  
 morbo ponendum, & an arthritidis dolor sit nominandus, an  
 vero tumor, & inflammatio. Nos, cum aliis, dolorem po-  
 suimus: Hic enim est de essentia arthritidis, tumor vero  
 & inflammatio non semper apparent; observatur arthri-  
 tis



tis interdum cum, interdum sine tumore. Hoc FORESTVS, l. c. testatur, & WILLISIVS \* confirmat. Cæterum tumor vix fieri potest, quia in arthritide atrocissima vasa sanguifera omnium minima afficiuntur, & malum hæere solet in minutissimis nervorum ramificationibus, spasmodice contractis, ideo nonnulli in spasmo fibrillarum nervearum minutissimarum arthritidis formam quærunt.

### §. V.

Ex his, iam dictis, liquido fluit, quod & inflammatio non semper in oculos incurrat; posse adesse inflammationem concedimus, etiam in principio, sed illa occupat tunc temporis partes articulorum internas, non vero externas, afficit ligamenta, immediate ossa ciugentia, & tendines interiores, & ideo neque ad suppurationem, neque gangrænam regulariter vergit. Dolor autem, quem arthritici miserrimo ejulatu exprimunt, partim gravativus, partim tensivus, nunc punctorius, lancinans, ardens, & rosivus est, dicuntque, ossa sibi esse luxata, dilacerata, compressa, & tanquam a vermibus exesa, manifestissimo indicio, quod dolor non semper uniformis sit.

### §. VI.

*Subiectum arthritidis* generale sunt articuli, termini ossium extremi, in quibus ossa inter se ad motum, sive per enarthrosin, sive per arthrodiam, & ginglymum, coniunguntur, multis tendinibus & ligamentis ibi exornantur, & ad motum perficiendum adaptantur. Verum nec excludenda est plane omnis symphysis, quia dentes in alveo-

\* Cap. de Arthrit. p. 304. qui ibi inquit: A primo statim insultu dolores plerumque sine ullo tumore oriuntur, tametsi postea circa morbi statum pars affecta non raro intumescat,



veolis maxillarum per gomphosin connexi, a malo arthritico non sint immunes; hinc oritur *odontagra*. Simili modo lingua, eiusque ossa hyoides, per synchondrosin combinata, ab arthritide afficiuntur, qui morbus *glossagra* audit. Speciale vero subiectum arthritidis non potest esse substantia ossea, quia fibræ osseæ non sunt flexiles & tensiles, & quamvis in ossium processibus tophi arthritici reperti fuerint, teste BONEJO \*, tamen ibi non, sed potius in nervosis partibus dolorem arthriticum fieri, probabile est. Nec cavitates in interstitiis ossium commode subiectum nominari possunt, nisi quatenus constituunt synoviae receptacula. Vera potius arthritidis subiecta sunt ipsa *periostia*, *perichondria*, *ligamenta*, *tendines*, *vaginulae tendinum*, *tendinum aponevroses*, *glandulae mucilaginosae*, horumque organorum subtilissima vasa sanguifera, lymphatica, & nervorum expansiones.

## §. VII.

Periostium membrana illa subtilis & valde sensilis est, ex filamentis minimis nervosis, artificiosissime contextis, composita, ossibus immediate superextensa, vasculis sanguiferis referta, per quæ materia, pro nutritione & augmentatione, adfertur. In ipsis ossium iuncturis politæ quædam cartilagines superficies ossium tegunt, quæ motum in articulis facilitant, & omnia impedimenta motus remouent. Cartilagines, secundum HAVERVM, \*\* subtilissimis perichondriis obducuntur, quæ, ob pelluciditatem, fere omnem aciem oculorum fugiunt. Hæc subtilis membrana in omnibus cum periostio convenit, filamentis eiusdem generis constat, eandemque obtinet texturam; hinc

\* In Anat. pract. lib. IV. sect. VIII. observat. I.

\*\* In Osteol. sua nova, p. 328.



hinc nervosa est, & subtilissima, ac fere invisibilia vasa sanguifera continet.

§. VIII.

In articulorum cavitatibus, præter jam dicta, alia quoque tristis hujus sensationis subiecta reperiuntur, glandulæ nempe mucilaginosæ, & ligamenta. Est ligamentum, circa os situm, pars corporis alba, solida, cartilagine mollior, membranis vero durior, ossa conjungens, mutuo colligans, motumque eorum legitimum conservans. Componuntur ligamenta ex fibris sui generis durioribus, nervosis tamen quoad maximam partem, & ex vasculis sanguiferis subtilissimis. Diversimode ligamenta dividuntur pro eorum situ, figura & longitudine; alia enim sunt longa, alia brevia, nunc obliqua, recta, lateralia, antica, postica, nunc rotunda, quæ funiculorum instar ossa conjungunt, & lata, quæ in modum fasciarum & zonarum articulos obducunt, & receptacula & saccos formant, pro continenda synovia. In acetabulo coxæ glandula magna mucilaginosa cum ligamento rotundo & lato afficitur. In articulatione ossis tibiæ & femoris, quæ suis extremitatibus in genu conveniunt, varia ligamenta observantur, partim solida, partim molliora rubicundi coloris, & recte a recentioribus Anatomicis mucaginosa dicta. Ad sunt insuper glandulæ mucaginosa ibi copiosissimæ, partim seorsim positæ, partim cum pinguedine conjunctæ, quæ omnia Dn. Præses in anatomiis publicis auditoribus egregie demonstravit. Huc referri possunt bina ligamenta lunata, in medio ossis femoris, & ossis tibiæ, in specie hujus superficie superiori, sita, a magno VESALIO \* annotata,

\* In corporis humani fabrica, lib. I. p. 166, & 168, qui ibi ex-



tata, quæ quamuis in media eius parte sint cartilaginosa, tamen circa extremitates in membranas flexiles desinunt, & perichondrio nervoso obducuntur. Offa tarfi, & metatarfi, immo internodia digitorum pedis, infinitis ligamentis inter se junguntur. Mirum ideo non est, si circa has partes sævissimus podagræ cruciatus percipiatur. Institutum nostrum non est, prolixam de omnibus ligamentis pertractare doctrinam. Qui uberiores desiderat institutionem, ille evolvere potest CAROLVM STEPHANVM, VESALIVM, EVSTACHIVM, VALVERDAM, CASERIVM, LAVRENTIVM, DIMERBROECKIVM, aliosque anatomix scriptores; in specie recens, doctissimum tamen, scriptum celeberrimi Archiatri regii, & Lipsiensis Anatome, WALTHERI, de *Articulis, Ligamentis, & Musculis*, cum supplemento, in quo varia, quæ ad patellam & plantam pedis pertinent, a multis Anatomicis neglecta & prætermissa, accurate traduntur & suppleantur; item novissime editam *Exposition anatomique de la structure du corps humain* de Mr. WINSLOW, Tome premier, *Traité des os frais*, de pag. 259. usque ad finem hujus partis.

§. IX.

Ad subjecta arthritidis referri debent aponevroses.\* Aponevroses termini illi nobis sunt, in quibus tendines ossibus implantantur. Qui hosce terminos accurate

presse dicit quod impense æquales lubricæ ac denique unctoso humore oblitæ spectentur.

\* Terminus hic sumitur nunc pro nervo, nunc pro fine & cauda musculi, in specie pro chorda tendinosa, si musculus in longum tendinem desinit, interdum pro membrana speciali, quæ haud secus ac ipse tendo a musculo originem ducit,



rate in iunioribus subjectis perlustrat, videbit, ossa fere nihil aliud esse, quam periostei, tendinum & ligamentorum continuationes. Dudum mota est quæstio, quare arthritidis ossa articulata afficiat? sed FERNELIUS \* rationem suo tempore agnovit, quando dixit, quod in organis, circa articulos sitis, dentur vasa angustissima, in quibus a levissima causa sanguinis & lymphæ impurioris obstructio, & fibrillarum nervearum subtilissimarum spasmodica contractio fieri possit. Etenim in perichondriis, periosteis, ligamentis, tendinibus tendinumque vaginulis color observatur albus, & revera niveus. Ideo vasa subtilissima hæc organa perreptant.

### §. X.

Ex rationibus, jam adductis, ad arthritidis subjecta pertinent vaginulæ tendinum: Sunt vero hæ vaginulæ tubi, tendines cingentes, mucilaginosæ synovia lubricati, in quibus tendines haud secus ac gladii in vaginis libere moventur, sunt membranæ, substantiæ ligamentosæ, flexiles tamen. Hæc vaginulas suo tempore jam indicavit incomparab. EVSTACHIUS, in *Tabulis suis anatomicis*. Dn. Præses in sectionibus publ. hæc vaginulas, satis notabiles & longas, in cadaveribus humanis, eorumque musculis, pedis flexoribus & extensoribus, auditoribus demonstravit.

### §. XI.

Glandulæ mucosæ, vel mucilaginosæ, articulares dictæ, corpora vesicularia diversæ magnitudinis & figuræ  
B sunt,

---

qualis est in flexura cubiti, a musculo bicipiti pronata, interdum pro vaginula tendinosa, uti a Mr. GARENGEOT, in *Splanchnologia*, p. 10.

\* Lib. VI. Pathol. cap. 18.



sunt, in ossium articulatorum membranis, musculorum interstitiis, & circa tendines conspicua, propriis vasculis dotata, quæ ex sanguine humorem mucosum separant, pro partium, quibus adhærent, lubricatione continua. Glandulæ vesiculares vocantur, quoniam ex membranis tenuibus & pellucidis componuntur, quæ in subrotundas cellulas complicantur, adeoque vesiculas referunt. Usus harum glandularum est, mucosam, aut potius gelatinosam, lympham a sanguine separare, qua ossium articuli, musculorum involucra tendinumque funiculi semper lubrici servantur, ut eo melius citra incalescentiam ac attritionem moveri & inflecti possint. Synovia, in hisce glandulis secreta, maximam cum albumine ovi in pelluciditate & consistentia possidet convenientiam. Dn. Præses eam in cavitatibus articulorum cadaveris foemini superiori auro sat copiose invenit, publice demonstravit, eamque ab acidis affusis coagulavit, & in spissam massam commutavit, manifestissimo indicio, quod, si a blanda falsedine mucilago hæc deflectat, &, ob admixta peregrina falia, visciditatem nimiam atque acredinem concipiat, membranas ac fibras nerveas in juncturis & musculorum interstitiis tendinumque confiniis vellicare possit; unde varii oriuntur dolores arthritici, partim fixi, partim transitorii, ut & contumax rheumatismus. Quando vero coagulata mucilago, dissipatis particulis aëvosis, in calciformem, vel cretaceum, spissamentum concrevit, oriuntur in articulis tophi, & podagra nodosa infertur. Hæ glandulæ mucilaginosæ, ad synoviam fecernendam destinatæ, aliæ sunt maiores, aliæ minores: Maiores rubicundi coloris in magnis articulorum cavitatibus separatim interdum spectantur, ut in acetabulo coxæ, item circa patellam in cavitate genu, aliæ in pinguedine ibi latitant; minores per tendinum & ligamentorum superficies ubique disperguntur, & microscopiorum ope deteguntur.



§. XII.

HAVERVS sibi ipsi tribuit gloriam inventionis harum glandularum, illustris MORGAGNIUS, \* de hoc auctore quoque fatetur, eum primum harum glandularum structuram, situm, & genera, præ omnibus aliis, diligentius perlustrasse; veruntamen non negandum, ipsam mucilaginem articulorum, ipsasque glandulas mucilaginosas, vetustioribus Anatomicis iam innotuisse, inter quos memorandi sunt CAROLVS STEPHANVS, \*\* IACOBVS SYLVIVS, \*\*\* VESALIUS, \*\*\*\* ANDREAS LAVRENTIVS. \*\*\*\*\*

B 2

§. XIII.

\* In Adversariis anatomicis, numero 2. animadvers. 23.

\*\* Carolus Stephanus, Parisinus Anatomicus, Lib. I. de Dissect. partium corp. hum. cap. 28. pag. 53. hæc habet: Eo vinculo præcipue hæc duo ossa connectuntur, recipiunt ab adipis circumfuso quiddam humoris viscosi & pellucidi atque albuginosi, quo juvatur motus, & fit multo facilior, quod singulis maioribus articulationibus est commune, præsertim coxendicis, cubiti, humeri, spondylorum & pedum.

\*\*\* Iacobus Sylvius, Isagog. anatom. lib. 1. ita loquitur: Talis adeps nunc solus, nunc cum humore crasso & lento tendines illiniunt, talis quoque adeps in ischii acetabulo & genu existit.

\*\*\*\* Vesalius, Sylvii discipulus, l. antea cit. etiam indicavit synoviam.

\*\*\*\*\* Andreas Laurentius, in Histor. anatom. lib. 6. cap. 5. pag. 215. inquit: Quintus adipis usus ad motus facilitatem pertinet; sic qui articulorum ligamentis adeps crassior innasci consuevit, partes atterendas illinit, ficcare prohibet, & ad motum faciliores reddit.



§. XIII.

Nec ab arthritide immunes sunt nervi ipsi. Praxis Boerhaav. Londin. 1731. impressa, Part. V. p. 198. acculat primario nervos eorumque constitutionem præternaturalem, v. gr. quando papillulæ nervosæ fiunt inperspirabiles, quando solidescunt & comprimuntur, vel si sal subtile peregrinum fluidis nerveis inexistit, quod per papillulas nervorum extremas non evacuatur, sed ibi persistit atque coagulatur. Est in nervis fluidum, & quidem duplex, unum subtile spirituosum, alterum lymphaticum, quod ex nervo optico evidentissime exprimitur; hæc lymphæ nervorum in statu naturali temperatissima est & dulcissima, interim a dulcedine sua deflectere, acrimoniamque & viscositatem concipere posse, credibile est, quo inducuntur varii morbi, spasmi, convulsiones, & ipsam fieri posse arthritidem, absurdum non est.

§. XIV.

*Caussa immediata* arthritidis est solutio continui, non quidem facta, sed tantum in fieri constituta, quia vasa repleta & obstructa distenduntur, atque partes nervosæ harumque fibrillulæ ab aculeis salium vellicantur, & sic spasmodice contrahuntur. *Caussam mediatam proximior*em constituit massa sanguinea vitiata. Vitium autem hoc querendum tum in quantitate, tum qualitate. Quantitate peccat plethora in hisce subiectis, frequentissime acquisita, vita molliori, luxuriosa & otiosa, epulis lautioribus, potulentis spirituosis & vinosis, ac dum ita succi cumulantur, nulla perfecta massæ sanguinæ circulatio & depuratio in organis se- & excretoriis fieri potest, adeoque massa superflua, ad articulos debilitatos devoluta, vasa ibi angustissima obstruit. Qualitate peccat massa sanguinea, si lymphæ & synovia, quæ alias in statu naturali benigna & temperata



perata est, ac ligamentorum & tendinum fibrillis tenerimis damnum non infert, a particulis scorbuticis intemperata redditur.

§. XV.

Cuiusnam naturæ hocce fermentum arthriticum sit, non omnes auctores determinant. Alii accusant acrimoniam biliosam, alii falsam, alii alcalicam, alii pituitam, alii aquam insipidam tartareamque, alii acidum. Qui acrimoniam falsam defendunt, provocant ad PECHLINI observationem. \* Hic ex tumore rupto iuvenis arthritici humorem falsum effluentem vidit, qui statim in albam calcem concrevit. Huius sententiæ esse videtur KERKRINGIUS, \*\* qui calcem arthriticorum chimice examinavit, atque spiritum, inter sal ammoniacum & tartarum medium, impetravit, ac ex capite mortuo sal fixum extraxit, cum sale tartari conveniens. Qui aquam insipidam defendunt, provocant ad sententiam BORRICHII \*\*\*, qui solam aquam communem ad lapidum tum macro-tum microcosmi generationem sufficere docet, & multas aquas, lapides producentes, sensibus exploravit, in quibus nullum salis invenit vestigium. Concedimus quoque, in caverna Baumanniana Hercyniæ, in multis speluncis Norvegiæ, stalactidem generari, item in aquis Jenensibus insipidis tophum inexistere, sed inde non sequitur, quod nulla salia, tanquam terræ subtilis menstrua, in hisce aquis sint; a negatione enim sensuum ad rei ipsius negationem non valet consequentia: omnis aqua insipida sal est, & subtilem terram in se continet. Aqua calcis vivæ insipida est,

B 3

\* In Observat. med. phys. n. 25. pag. 272.

\*\* In Spicileg. anatom. observat. 58.

\*\*\* In Actis Hafniens. Vol. V. obs. 81.



est, aqua roris maialis quoque nullum continet saporem, nihilominus si hæc bina miscentur, terra præcipitatur subtilis, & a residuo liquido, mediante evaporatione, sal impetratur nitrosum.

§. XVI.

Nos, cum HARVERO\*, primario acidum austerum in arthritide peccare statuimus, quod cum synovia mixtum, crassioris consistentiæ coagulum producere potest, quam omnia alia salia, quocunque modo qualificata, & ipsa experientia quotidiana insuper ostendit, quod acida magis, quam salsa & alcalia, sint accusanda, quia a vino Rhenano & Hungarico, copiosius hausto, arthritidis & podagra, ob acidum eminentius, in his vinis contentum, promovetur. Insuper præsentiam acidi in arthriticis indicant sudores acidi, ructus acidi, vomitus acidi, alviq; obstructio, &c.

§. XVII.

Ubinam vero indicata hæc intemperies in hoc vel illo subiecto generetur, iam inquirendum. In primis viis illam posse generari, credibile est, si viribus ventriculi deficientibus, digestio alimentorum non convenienter procedit, cruditatesque acidæ & viscidæ ibi cumulantur; si liquores salii.

---

\* Hic auctor salia omnia accusat quidem, sed acidum primario, tanquam causam communissimam, defendit. Ideo p. 265. l. c. inquit; sed vero tertio interdum, immo communissime fere, acidum adest, aut corrosivi quoddam genus. Hic celeberrimus auctor, qui cum synovia suscepit experimenta, ex his concludit pag. 268. acidum, cum austero aliquo combinatum, non tantum in synovia copiosius coagulum producere posse, quam alia salia, sed & crassioris consistentiæ.



salivales alimentis characterem scorbuticum communicant; si chylus, ob vitia bilis & succi pancreatici, non rite perficitur, & in itinere suo in venis lacteis contaminatur. Porro generatur materia arthritica, si organorum sanguificationis vires decrescunt, & a chylo & sanguine partes inutiles non rite segregantur. Omnia viscera sunt sanguificatoria organa: Si autem in visceribus labefactatis chyli in sanguinem mutatio non peragitur, chyli crudiores particulae iusto diutius in sanguine remanent, unde neque in sanguinem mutantur, neque a sanguine separantur, sed in vasculis minimis artuum subsistunt, ibique molestiam creant. Observavit Dn. Praeses multoties in sanguine arthriticorum, per venam educto, eiusque superficie, crustam chylosam, satis crassam, quae ad instar tunicæ solidæ tegebat cruorem inferiorem obscuriorem. Hæc chylosa & quasi caseosa materia obstruit vasa minutissima arteriarum earumque ramificationes, secum ducit simul salia crudiora particulasque terreas. Ideo coagulatur magis in articulis, ipsamque synoviam inquinat, ac tandem in tophos cretaceos convertitur. De materia cretacea arthritica quoque non dubitandum: Dn. Praeses liberavit ab arthritide iuvenem studiosum, qui per urinam incredibilem quantitatem huius materiæ cretaceæ excrevit, quæ vitrum urinale spatium octidui crusta insigni, ad crassitiem digiti minoris, obducebat. Exsiccata hæc massa exacte cum creta porosa conveniebat, & ad scribendum in tabula apta erat. BOERHAAVIUS vidit ex vertebra exsurgentem calcem arthriticam.\*

### §. XVIII.

\* Vid. Part. V. Præcos eius, sive Commentar. in aphor. de cognoscend. & curand. morb. Londini edit. 1731. p. 197. & seqv. ubi id confirmat, quod thes. 16. dictum est. Inquit enim: Tumor tandem rumpitur, & creta exit e minimis



§. XVIII.

Interdum viscera primæ & secundæ, ita dictæ, elaborationis, vel coctionis, possunt esse saluberrima, & tamen homines ab arthritide vexari. Huius rei rationem querere debemus in ipsis articulis debilitatis, ubi nervi a cerebro existunt remotissimi. Eiusmodi nervi, in tono debilitati, per papillulas extremas non perspirant liquida incrassata, quæ dum ibi subsistunt, maiorem acredinem induunt, nervosque ipsos molestant. Simile quid dicendum de vasculis minimis arteriosis, sive arteriis serosis ligamentorum & tendinum perioftiorum, &c. in quibus lymphæ stagnans in coagulum abire incipit, quod primario in plethoricis, & laute viventibus, fieri solet, ob nimiam vasorum repletionem.

§. XIX.

Ad causas mediatas remotiores pertinent res naturales, non naturales, & præternaturales. Si res naturales perpendimus, ad morbum producendum quid conferre potest temperamentum cholericum, ad iram dispositum, & temperamentum melancholicum, in quibus blanda lymphæ humiditas deficit, particulæ autem salinæ acidæ & terreæ abundant, item temperamentum sanguineum, quatenus illud ad plethoram inclinat; secundo dispositio hæreditaria, dum per seminis utriusque parentis contagium propagatur, & humoribus non tantum character specificus salinus, sed & partibus solidis singularis debilitas

vasculis ruptis, qui sunt nervi. Hinc credere & concludere cogor, quod causa proxima huius mali sit in nervis, habentibus aliam dispositionem. Ergo saltem aliquem accuso.

\* Lib. II. Prædict.



tas communicatur. Hinc Hippocrates de illis dicit, quod ægre liberentur. Tercio ætas: Aetas fere nulla ab arthriticis doloribus immunis est; vexantur tamen ab eis communissime illi, qui in media & ultima ætate sunt constituti, ob inevitabilem humorum intemperiem & viscositatem, spirituum & partium solidarum debilitatem. \*

§. XX.

Inter causas n. n. primum locum obtinet aer frigidus, crassus, nebulosus, autumnalis, hybernus & vernus \*\*. Haverus primam huius mali occasionem a frigore deducit, simulque in aere frigido spiritum acidum nitrosum, cum WILLISIO, MAYOVIO, THRUSTONIO, aliisque Angliæ luminibus, admittit, destruentem naturalem sanguinis mixturam, & figentem particulas volatiles spirituosas sanguinis. Hunc spiritum intra corpus etiam, per poros cutaneos, ad-

C

mit-

\* Hipp. Aphor. 30. sect. 6. inquit: Pueri podagra non laborant ante veneris usum. Quod tamen universale non est. Ex simili fundamento putat, eunuchos podagra non laborare, Aphor. 28. sect. 6. Item mulieres, inquit, a podagra immunes esse, nisi menstrua defecerint, Sect. 6. Aphor. 29. Quod etiam universale non est. Nobis magis placent ea, quæ habet BAGLIVIVS, in Oper. pag. 168. qui in omnibus fere cum principiis SYDENHAMII convenit, & dicit, l. c. Arthritis præ cæteris invadit senes, qui postquam melioris vitæ annos mollius & delicatius transegerint, otio, crapulis, veneri, vino aliisque spirituosissimis liquoribus, uberius indulserint, vitam otiosam degunt. Hinc, secundum Hippocratem, Lib. II. Prædict. vix sanantur, & ab arthritide liberantur.

\*\* Teste Hippocrate, Lib. VI. Aph. 55.



mitti posse, non dubitat, quoniam ipse mercurius, emplastrorum, unguentorum & linimentorum effluvia, utpote longe crassiora, per hancce viam sese in corpus nostrum insinuant; hic spiritus sanguinem præcipitando, qualitatem suam ferro communicat, quod ita alteratum, aptum evadit in dispositis ad arthritidem producendam, & coagulandam mucilaginem articulorum. Sunt quidem nonnulli, qui hancce thesin in dubium vocant; quicquid tamen sit, concedere debent, naturam frigoris, qua corpori nostro damnum infert, ita esse comparatam, ut ab ea liquida coagulentur, & in motu suo impediantur, dum vasa constringuntur. Insuper frigus transpirationem insensibilem, ad vitam & sanitatem absolute necessariam, imminuit, & liquidorum motum, tum intrinsecum, tum progressivum, impedit; hinc & illi, quorum pedes sudant, a podagra sunt immunes, minimum ab illa mitius tractantur. Huc pertinet aer, particulis salinis, saturninis, metallicis, arsenicalibus, mercurialibus, sulphureis, &c. imprægnatus atque refertus. Ob salinum aerem, scorbutus & arthritis solemnis est in Hollandia & Anglia, speciatim Londini, ubi non tantum aer marinus, sed & foetidus corrosivus sulphureus carbonum fossilium accusandus, qui ædes corrodit, argentum nigredine, ferrum rubigine contaminat; ideo ibi scorbutus, tabes, phthisis, ulcera foetida, arthritis, rhachitis morbi sunt communissimi: ob aerem salinum fodinarum salis gemmæ in Transylvania, arthritis ibi endemia fere existit.

#### §. XXI.

Errores in cibo & potu proh dolor! ab arthriticis committuntur, & ita hic morbus, culpa ægrotantium, fit insanabilis \*, si alimentorum quantitas & qualitas non obser-

---

\* Vid. Dissert. Illust. Dn. ab Heucher, de Arthritide, culpa ægrotantium insanabili.



observatur. Bacchus est pater arthritidis. Ideo si potulenta, quantitate nimia, ingurgitantur, salia domestica menstrui ventriculi invertuntur, tonus laxatur, & cruditates generantur. Si esculenta etiam optimæ notæ nimis copiose inglutiuntur, menstruum ventriculi non sufficit ad illa solvenda. Hinc ab utraque causa læditur chymificatio, chylus, cruditatibus refertus, & ad sanguinem delatus, neque motu progressivo, neque intrinseco, ad nutritionem & secretionem adaptari potest, unde talis massa, ad articulos devoluta, vasa minima obstruit, in materiam cretaceam convertitur, accrescit, & arthriticos dolores gignit. Augetur vero malum, si alimenta pravæ sunt qualitatis, ut nimis crassa, viscosa, dura, parum cocta, fumo indurata, sale, aceto, & saccharo condita, quæ activitatem menstrui ventriculi eludunt, quo pertinent fere omnia vina, in quibus acidum eminet, item & spiritus vini, qui albumen ovi, ob acidum prædominans, quoque coagulat, nec minus cerevisia crassa, & debita fermentatione non rite depurata, unde & Practici ægrotantibus vini potum interdiciunt, & aquosa commendant. Interim vinum rubrum Jenense, modice potatum, & non sulphuratum, cum cerevisia secundaria, arthriticis profuisse, ex observationibus Dn. Præsid. certum est. Qui autem ab arthritide immunes vivere cupiunt, illis a SYDENHAMIO, BAGLIVIO, WALDSCHMIDIO, atque DOLÆO \*, lac commendatur. A lacte summa cruditas separata est; lac, eiusque serum, ipsam præsentem in corpore humano acrimoniam temperat atque extinguit. Praxis Boerhaaviana commendat lac recens, tepidum, non coctum, quia coctione exhalat tenue illud volatile & spirituosum prin-

C 2

prin-

---

\* In Tract. de Furia Podagræ lacte victa,



principium, quod ad fluiditatem humorum conservandam utilissimum est.

§. XXII.

Motus membrorum nimis laboriosus, fatigationes & debilitationes in saltationibus, digladiationibus, equitationibus, &c. musculis, tendinibus & ligamentis vim inferre, spiritus dissipare, ac humiditates articulorum absumere & inspissare solent. De Scythis refert HIPPOCRATES \*, eos, propter diuturnam equitationem, doloribus articulorum corripitur. Regula est generalis, quicquid notabiliter debilitat, illud arthritidem promovet, quo pertinent vigiliæ, modum excedentes; spiritus enim hisce præsentibus non sufficiunt in ventriculo, intestinis, imo ipso corde, ad motus debitos perficiendos, turbatur sic chylicatio, læditur sanguificatio, imminuuntur excretiones, & humores omnes accrescunt, & viscosi redduntur, ex quo fundamento arthritidis a RICHARDO MORTON \* dicitur morbus sapientum. Sed nihil magis infringit spiritus, viresque exhaurit, corpus refrigerat, humorum temperiem turbat, totamque œconomiam animale invertit, quam venus immodica, quæ ideo dicitur Dea solvilumba. Utinam omnes omnino homines observent ea, quæ CELSVS de concubitu profert, quando inquit: Concubitus neque nimis concupiscendus, neque nimis pertimescendus est, rarus corpus excitat, frequens solvit. Itali sobrii a venere, Germani a vino podagrizant, dicit BOERHAAVIUS. Plurimumque in arthriticis id observatur, quod DOLAEVS, in epistola  
ad

\* Lib. de aquis, aere, & locis.

\*\* In Exercitatione de morb. univers. ubi p. 32. inquit: Immoderata in studiis industria, ob debilitatos spiritus, arthritidem provocat.



ad WALDSCHMIDIVM, posuit: Bacchus in tubulos, a venere evacuatos, deponit acria vini recrementa. Denique ad res n. n. pertinent excernenda & retinenda, immo animi affectus. De venere morbifica nihil amplius dicendum; sanguinis evacuationes, urinæ, sudoris, & alvi, modo restant. Si menses vel supprimuntur plane, vel non sufficienter evacuantur; si lochia deficiunt; si hæmorrhoides non fluunt, sed supprimuntur & retardantur, certo certius arthritidis acceleratur, quia ita status cacochymicus introducit. Urina & sudor perpetuæ & utilissimæ sunt secretiones, per quas sanguis depuratur a salibus omnis generis, & particulis terreis, oleosis atque lymphaticis; hinc quoque instantis podagræ signum certissimum est defectus sudoris in pedibus. Alvus sicca & obstructa sæpius a defectu feri urinalis in glandulis coli originem ducit, item a bile, non satis alcalica. Quoniam itaque hæc contingunt in melancholicis & hypochondriacis, ideo arthritidem promovent, & eam instare, haud obscure simul indicant. Ira obstetrix est arthritidis, nihilque magis accrescentias sanguinis accelerat, quam hic affectus, dum omnia viscera omniaque liquida, immo totum corpus modo excessivo commovet; hinc hectici & arthritici plerumque ad iram sunt dispositi, quoniam acrimonia sanguinis copiosissima in illis reperitur, quæ vero per huncce affectum in dies augetur, dum salia volatilia acida temperantia in illo affectu expelluntur.

### §. XXIII.

Res p. n. ad producendam arthritidem sæpius symbolum conferre solent, quo pertinet lues venerea, detestabilis ille morbus, qui inter alia symptomata sævissimum dolorum genus secum ducit, quod in capite & circa articulos eorumque internodia ægrotantes excruciat. Hoc



crudelissimum doloris genus *Tortura nocturna* dicitur, quia nocturno tempore inprimis sese manifestat. Referri huc debet scorbutus, unde arthritis vaga scorbutica oritur. Quicquid inquinamentum scorbuticum auget, & obstructions glandularum promovet, ut obstructio mesenterii, pancreatis, hepatis, lienis, illud etiam ad arthritidem magis disponit. Hic etiam considerari debet renum obstructio & læsio; nam nephritis & arthritis morbi sunt, arctissimo vinculo inter se connexi, & ab una eademque causa maxime orti. Porro febres continuæ acutæ malignæ, in specie dysenteria, item febres intermittentes, inconvenienter tractatæ, & male curatæ, de quibus apud SCHENCKIUM, FORESTUM, & RIVERIUM, passim prostant observationes. Etenim hi morbi a salibus heterogeneis acrioribus producuntur, quæ quando a massa sanguinea non separantur, ad articulos devolvuntur, unde arthritis & tumores pedum œdematosi in fine horum morborum frequentissimi sunt. Denique contagium a multis Practicis accusatur, communicatum vel per concubitum, teste BOERHAAVIO, l. c. vel per accubitum, sive per sudorem, vel per salivam, &c. Dispositio ad arthritidem tenellis infantibus a nutricibus communicatur per lac, item per salivam, si pulpamenta, ore nutricum & vetularum excepta, scorbutica saliva inquinatur; harum dentes enim plerumque sunt cariosi, & gingiva putrida stoma- cace est corrupta. Per sudorem contagium communicari posse, haud improbabile est. Lues venerea, scabies, phthisis, & arthritis, sunt quidem morbi chronici; sed tamen simul contagiosi, quorum vera causa consistit in sale quodam destructivo, diversimode determinato. Ideo hæc salia fermentifica, de corpore affecto in aliud corpus sanum deportata, similem characterem communicare, & specialem humorum confermentationem instituere posse, certum est. Cæterum prostant multæ observationes apud re-



rerum medicarum scriptores de arthritide, per contagium communicata. Inter omnes curiosissima est ea, quam BLANCARDVS \* de cane quodam refert, qui pedes podagrici frequenter linxit, unde canis podagra adeo fuit afflictus, ut neque stare, neque ambulare potuerit.

#### §. XXIV.

Arthritidem non exiguam obtinere differentiam, ex antea dictis illucescit. Differt enim primo ratione causarum, tam externarum, quam internarum; hinc est endemia in Hollandia, Anglia, & Transylvania; contagiosa, per contagium introducta; hæreditaria, a parentibus communicata; plethorica atque scorbutica, &c. Secundo ratione symptomatum alia est cum febris sat forti, alia cum febris miti, alia cum erysipelate, inflammatione, rubore, tumore, suppuratione, alia interdum œdematosa magis, immo cum maculis scorbuticis coniuncta. Tertio ratione modi afficiendi alia est fixa, plerumque in una parte persistens, alia vaga, modo hanc, modo aliam partem occupans, alia lancinans, rodens, vellicans, gravativa, distensiva, &c. Quomodo differre soleat ratione loci, antea iam fuit indicatum.

#### §. XXV.

Signa arthritidis, sicuti in aliis morbis, dividuntur in diagnostica & prognostica. Diagnostica vel præsentem, vel instantem indicant. Instantem & imminentem indicat lassitudo, appetitus prostratus, venarum intumescencia, artuum torpor, flatulentia, alvus obstructa, suppressio sudoris, dolor capitis gravativus, &c. etenim hæc sunt indicia plethoræ cacochymicæ, quæ ut plurimum primaria

\* In Collect. med. Cent. VII. observ. 56.



ria arthritidis causa esse solet, & quæ tollitur per paroxysmos febriles, sive per febrim supervenientem: Etenim partes superfluxæ massæ sanguineæ, ob motus, tum progressivi, tum intrinseci, defectum non subiguntur, hincque fiunt obstructiones, contingunt motus sanguinis præternaturales, & ita febris; nam si arthritis contingit, eius præsentiam indicant horror, rigor, quo finito calor increfcit. In horrore febrili motus sanguinis imminuitur, inprimis circa integumentia communia; hinc, ob defectum circuli sanguinis, a quo regulariter calor dependet, sentiunt papillulæ nerveæ cutis defectum caloris, sive sensum frigoris, sanguis vero in hac horripilatione & spasmo tunicæ musculorum communis pellitur versus centrum, ibique magis agitur, unde calor subsequitur, & in calore sudor contingit, cum quo particulæ heterogeneæ, sive fermentum arthriticum, simul evacuatur. Dum hæc contingunt, vera signa etiam præsentis arthritidis apparent, nempe dolores articulorum, ut plurimum primum in pedibus, & in specie circa pollicem, quoniam ibi notabilis ligamentorum & tendinum copia existit. — Hæc, iam dicta, reperiuntur apud SYDENHAMIVM, & BAGLIVIVM, qui primario de arthritide scripserunt, immo ipsa experientia iam prolata confirmat.

#### §. XXVI.

Ad prognosin quod attinet, maxima pars Medicorum defendit, quod arthritis sit species crifeos salutaris, quæ per febrim instituitur, ac per sudorem, & urinam, fermenta heterogenea arthritica evacuat. Ideo raro cum lethalitate coniuncta est, & quamvis sæpius paroxysmi arthritici reiterantur, tamen homo usque ad extremam senectutem persistere potest. Si vero in senio vis depurandi, expellendi, & deponendi materiam arthriticam ad loca extrema deficit, tunc dolores mitiores fiunt, ægro-  
tantes



tantes vero torpidi & languidi redduntur, tandemque moriuntur vel apoplexia, vel suffocatione, vel corruptionibus viscerum, quia materia arthritica non amplius in consolidatis articulis partibus expurgatur, sed ad viscera devoluta, ea corrumpit atque inflamat. Dicitur quoque, quod arthritidis & podagra hominem præservare valeant ab aliis morbis, quod suo modo concedi potest. Etenim si heterogeneum principium vel in corpore nascitur, vel ad illud deferitur, per fermentum arthriticum statim mutatur, & sic arthritidis oritur. Hancce thesin veram esse, ostendunt aliæ observationes, v. gr. leproforum, qui, durante peste, ab hac immunes extiterunt, quoniam fermentum pestiferum fuit transmutatum in leprosum. Si ulterius prognosin formare volumus in arthritide, considerare debemus subiectum. Ita arthritidis in iunioribus spem curationis relinquit, quoniam, si debito modo tractantur subiecta, omne fermentum arthriticum radicitus evelli potest. Si vero arthritidis hæreditaria est, ob contractam tum solidorum, tum fluidorum pravam dispositionem, vix promittere possumus exoptatam curam. Arthritidis si partes extremas modo occupat, etiam non adeo periculosa est, quam illa, quæ principiis nervorum propinquiora organa affligit. Arthritidis omnis ad morbos chronicos referri debet; durat enim plerumque per mensem unum alterumve, quia massa sanguinea a materia arthritica non tam cito depuratur. Hyberno tempore ut plurimum vexantur, & in æstate immunes a doloribus vivere solent. Inprimis autem notandum, quod in arthritide omnis retropulsio præcaveri debeat, quæ topicis improvide applicatis, plerumque fieri solet; si enim materia morbifica ab articulis ad partes nobiliores deferatur, v. gr. ad cerebrum, tunc contingit apoplexia, alique affectus soporosi; si pulmones occupat, phthisin, tussim, pleuritidem,

D

dem,



dem, peripneumoniam, catarrhum suffocativum excitare solet. Retropulsa arthritidis ad glandulas intestinales, ibi producit affectus colicos ineffabiles, diu durantes, & in fine lethales, quale exemplum a celeb. Dno. Præfide audivi; si devolvitur ad hepar, hepatitis oritur.

### §. XXVII.

Cura alia est in paroxysmo, alia extra paroxysmum. In paroxysmo respicienda est causa doloris, ipse dolor, aliaque symptomata. Ideo requiruntur talia medicamenta, quæ plethoram & cacochymiam corrigunt, fermenta arthritica, sive salia acria, maxime acida, temperant, humores condensatos resolvunt & educunt, tum ex primis viis, tum ex massa sanguinea; porro talia, quæ spasmum & sensum irritationis mitigant, poros cutis, vasa minima sanguifera, per dolorem & spasmum constricta, laxant, spiritusque debilitatos ita roborant, ut eorum vis confortata materiam peccantem melius, placide tamen expellere valeat. Consentunt fere omnes, plethoram arthritidis causam esse, & per febrim in arthritide plethoræ fieri imminutionem, ac in sudore materiæ arthriticæ separationem. Ideo nonnulli plane omnem usum omnium fere remedium interdiciunt, & patientiam, sive curam per expectationem, commendant, dicuntque, ita non turbari motus naturæ criticos: Verum quidem est, quod crisis non sit turbanda, interim tamen non sequitur, quod ideo nullum remedium sit adhibendum; nam dantur multa remedia, quæ crisin hanc placide promovent, & ad superandam, extinguendam & imminuendam materiam arthriticam multum conducunt, absque retropulsione, vel motuum criticorum inversione.

### §. XXVIII.

Ex fonte ideo chirurgico applicari potest primo venæ sectio, plethoræ remedium. Observationes omnium Medi-



Medicorum testantur, vix feliciter curari arthritidem in plethoricis, absque venæ sectione. Non vero illa instituenda est in parte affecta, propter doloris exacerbationem, & metum aliorum symptomatum; potius illa suscipitur in alia parte, a doloribus libera, & parti affectæ aliquo modo vicina. Substitui possunt scarificationes, non parum utiles, ex simili intentione, ad sanguinis copiam nimiam imminuendam; quo pertinent suo modo hirudinum applicationes. SALMVTHVS \* testatur, scarificationem, singulis mensibus in manibus & pedibus institutam, inprimis circa pollices, præservasse mulierem ab arthritide. LeCHEVALIER TEMPLE \*\* simili modo scarificationes extollit, & fotum postea, sive pediluvium, ex urina humana recenti applicandum, commendat. Cacochymiam respiciunt ex præsidiis chirurgicis vesicatoria atque fonticuli, qui acres & vitiosos humores e fundo partium eliciunt, & ideo præservant ac curant. Huc pertinet moxæ Chinensis applicatio, quæ ad species cauteriorum referri debet; est enim moxa lanugo artemisiæ latifoliæ Japonensis, in globulos densos contorta, parti dolenti imposita, posteaque certis bacillis aromaticis accensa. Ita in cute adusta excitantur fonticuli; \*\*\* ulcera nata vel foliis brassicæ, vel emplastro dia-palmæ obducuntur. Illust. & b. WEDELIVS, noster loco moxæ, stupam communem commendat.

D 2

§. XXIX.

\* In Observat. med. Cent. III. Observ. 46.

\*\* In suis Meditationibus, sive les Oeuvres mêlées, inprimis in illa, quam de la Goutte, sive de Podagra, scripsit.

\*\*\* Vide, inter alios scriptores, Valentini Museum Museorum, pag. 229.



§. XXIX.

Ex fonte pharmaceutico tutissime primo in usum vocantur purgantia & vomitoria: Hæc magis in ventriculum agunt, illa in intestina, & cruditates, omnium fere morborum mineram, eiiciunt; quo fine inservire possunt bina tutissima, & omnium optima emetica, radix ipecacuanhæ, & tartarus emeticus. Habemus, inter alia, remedium, in arthriticis morbis egregium, gummi guttæ, sive podagræ, dictum; hoc in nonnullis agit per vomitum, alios contra purgat per alvum. Prostant & pilulæ, antipodagricæ dictæ, in quibus hoc gummi basin constituit. Compositio sequens est: Rec. gummi guttæ unc. dimid. resin. scammonii drachm. ij. resin. gialappæ, extract. helleb. nigr. extr. trochiscor. alband. ana drachm. j. extr. fumar. unc. semis, misce; dosis gr. XXI-XXV. pro diversa constitutione subiectorum. Simili modo laudantur hermodactyli, tanquam specificum, quorum pulvis hodie scrupulus unus, cras drachma semis, & sic deinceps datur, semper ascendendo in dies, donec veniamus ad illam quantitatem & dosin, quæ quinque, vel sex alvi evacuationes excitare potest; hæc dosis inventa, deinceps bis per septimanam reiteratur. Non interdiciamus aliorum usitatorum purgantium usum, modo hoc indicamus, quod bina nominata ab auctoribus, ut magis specifica, sint commendata. Ex hermodactylis paratur quoque notissimum decoctum antipodagricum Viennense sequentis compositionis. Rec. polypodii querni, hermodactylorum, rad. Chinæ, sarsaparill. ana unc. quatuor, lign. guaiac. raspat. unc. sex. C.C. coquantur in tribus mensuris vini, & novem mensuris aquæ, ad quartæ partis consumptionem. De hoc decocto sumuntur quotidie sex, vel octo libræ, & laxantia interponuntur, ex pilulis, antea indicatis. Hisce præmittuntur commode illa, ita dicta, digestiva, sive præparantia, quæ cru-



cruditates in primis viis, quibus mediantibus alias vis purgantium atque emeticorum infringitur, corrigunt & destruunt, qualia sunt sal digestivum verum Sylvii, cremor tartari, tartarus resolubilis, vitriolatus, cum radice ari, pimpinellæ, croco martis aperitivo, &c.

### §. XXX.

Sudorifera moderata in hac medendi methodo requiruntur, quæ serum viscidum resolvunt, salia acria temperant, & subtiliata per poros cutis educunt. Talia primario sunt salia volatilia alcalia, simplicia & oleosa, quibus acida optime temperantur, qualia sunt spiritus & sal volatile cornu cervi, viperarum, lumbricorum, sal volatile tartari, remedium, post liquorem Alcahest, fere optimum; quo pertinet etiam spiritus bezoardicus Buffii, sal volatile oleosum Sylvii, & multa alia similia. Sylvius mirum quantum laudat suum sal volatile oleosum, & quidem non sine ratione, quia salia volatilia omnia acida temperant. Si vero oleis æthereis permiscentur, & ita roborantur, vis temperans in hisce remediis augetur; etenim omnia olea ætherea concentratissimum, & extreme corrosivum oleum vitrioli ita corrigunt, ut vix sapor relinquatur. Simile quid statuere debemus de vi temperante, quam expectamus ex usu partium animalium, quoniam & in illis oleosum principium fat copiose delitescit. Qui vero vult parare verum sal volatile oleosum Sylvii, ille recipit libras II. salis tartari, libr. I. salis ammoniaci, libr. IV. spiritus vini, & aquæ q. f. hæc soluta & mixta, destillantur per Retortam, vel Alembicum, debito modo, spiritus autem impetratus de suo capite mortuo ter quaterve cohobatur; ita sal tartari simul volatilifatur & impetratur spiritus salis ammoniaci tartareus, pro usu interno egregius, cum quo deinceps olea ætherea aromatica facillime combinantur.



§. XXXI.

Profunt & diuretica, quæ, sicuti iam laudata sudorifera, vim habent viscidum solvendi & incidendi, ac acidum austerum corrigendi & temperandi, atque per glandulas renales educendi. Instar omnium hic sunt salia vegetabilium fixa, per incinerationem parata, ut stipitum fabar; ononid. genist. artemis. card. ben. tartari; oleum tartari p. d. &, quod cum hoc convenientiam habet, Alcahest Glauberi, ex nitro fixato carbonibus impetratum; porro Tinctura antimonii, tartari, carbonum, &c. Hisce remediis mediantibus, provide applicatis, tutissime, & absque repulsionis metu, arthritici tractantur, & tractari possunt; nam tantummodo se & excretiones, absque iniuria, placide promovent.

§. XXXII.

Nunc videbimus specifica, in morbis arthriticis laudata, quorum varia commendantur tum ex regno vegetabili, tum animali, tum minerali. Remedia antarthritica regni vegetabilis sunt primo radices insipidæ, ut Chinæ, sarsaparillæ, cichorii, scorzonæ, bardanæ, quinque aperientes maiores, minores, in specie fœniculi, graminis ononidis, scrophulariæ, taraxaci; hæc omnia partim possident subtilem terram, partim mucilaginem, partim tenuissima salia alcalia, quibus mediantibus salia acria austera temperantur, invertuntur, & per sudorem atque urinam educuntur, aqua autem, cum qua decoquuntur, viscositates diluit. Secundam classem absolvunt vegetabilia, sale volatili prædita, quo pertinent radix aristolochiæ omnis, in specie longæ & clematitidis, contrayervæ, succisæ, herb. Britannicæ, sive lapathi folio cubitali, herb. rorellæ, cochleariæ, nasturtii, beccabungæ, chamædryos, chamepytios, velivæ moschata, aut arthriticæ, summitates pini, lignum



lignum sassafras, iuniperinum, &c. quæ omnem stagnationem humorum dissipant & resolvunt, sive ex illis fiant infusa, s. spiritus, s. essentia, &c. Qui labores suscipit cum cochlearia, ille observabit in analysi penetrantissimum sal volatile, quod cum volatilitate raphani rustici militat. Quum vero per experientiam certum sit, cochleariam esse optimum antiscorbuticum, ideo exinde elucescit, a quonam principio scorbutus, & sic arthritidis originem ducat, nempe ab acido quodam fixo corrodente, & sic destruyente fibrillulas minimas solidorum, quibus enecatis, postea foetor ille intolerabilis, v. gr. in stomacace, oritur. Tertio laudantur amara. Est quidem amarities in cochlearia; chamedry, rad. aristolochiæ, &c. sed maior illa deprehenditur in radice & herba trifolii fibrini, ligno colubrino, utpote optimis antiscorbuticis, fumaria, carduo benedicto Mariæ, tertianaria, scordio, summitatibus centaurei minoris, &c. quorum extracta celeberrimorum Practicorum pilulas balsamicas, ingrediuntur. Amara omnium optima sunt balsamica, & temperantia optima antiscorbutica; hinc natum est proverbium, *bitter im Munde, sterckt im Hertzen-grunde*; observamus enim, in combustis cineribus eiusmodi herbarum delitescere copiosum atque efficacissimum sal alcali, quod in aliis herbis non tam abunde reperitur. Extracta etiam amara facile liquefcunt, si ab aere humido non defenduntur.

### §. XXXIII.

Specificæ regni animalis, in arthritide laudata, sunt lumbrici terrestres, vel in substantia, vel in pulvere, vel in essentia dati, vel eorum spiritus urinosus, & sal volatile, vel etiam cinis. Et quoniam talpæ lumbricis nutriuntur, ideo & talparum cinis in arthritide quoque laudatur; item millepedes commendantur, in quibus sal copiosum diureticum, & aphrodisiacum delitescit; viperæ in substantia,

de



decocto, & brodio, propinantur, nec non eorum spiritus, & fal volatile. RAYMVNDVS LVLLIVS \* de viperis scribit, quod viperæ sint medicina regia, quæ miracula præstet. Lumbrici & viperæ nutriuntur terra; ideo salis nitrosi terrestris pars fixa in hisce animalibus volatilifatur, sicuti salia herbarum fixa volatilifantur in corpore cervi: Omnes hinc partes animalium duræ in cura arthritidis locum inveniunt, uti sunt cornu cervi, dens apri, & hippopotami, mandibulæ lucii piscis, unicornu, cornu rhinocerotis, ungulæ alcis, lapides manati, cancrorum, percarum, car pionum, mater perlarum, conchæ, perlæ, chelæ cancrorum, &c. quoniam in se continent terram subtilem absorbentem antacidam, temperantem & mucilaginem, salia involventem, fal volatile urinosum & oleum, quæ salia acida austera temperant, corrigunt, resolvunt, attenuant, & ad excretoria ducunt. Laudantur & ossa humana calcinata, manuum scilicet in chiragra, pedum in podagra, sed nos anthropophagiam aliis relinquimus, potius sal dulce lactis, vel saccharum lactis, commendamus, semel de die, ad unciam dimidiam, sumendum.

#### §. XXXIV.

Specifica antarthritica regni mineralis varia prostant. Pleraque corpora regni mineralis sunt alcalia, extreme fixata; etenim aurum, & omnia metalla, antimonii pars regulina, immo ipse mercurius menstruis acidis solvuntur, quæ experimenta, utpote notissima, certitudinem huius theoriæ confirmant. KVNKELIVS \*\* laudat antimonium crudum, tanquam summum remedium, in contractura, ab arthritide nata, & eius pulverem, cum saccharo & aromatibus

\* Lib. de conservanda vita, Cap. 11.

\*\* In suo Laboratorio chemico, p. 432.



tibus in morsulos commutat, qui morsuli etiam in Dispensatorio Brandenburgico reperiuntur; dedit antimonium quotidie ad scrup. unum, gr. XXV, & ita varios a contractura liberavit. Hoc remedium non contemnendum est, quia ipsa experientia usum antimonii crudi confirmat; dependet vero vis & efficacia antimonii crudi a particulis regulinis mercurialibus, aliquo modo fixatis. Sunt & alia antimoniata, in morbis arthriticis non contemnenda, ut regulus antimonii medicinalis, sive antimonium diaphoreticum rubrum, antimonium diaphoreticum album, sive commune, antimonium martiale cachecticum, cerussa antimonii, materia perlata, Tincturæ antimonii omnes alcalicæ, immo rhabarbarina B. Wedelii. Huc pertinent cinnabarina, in specie cinnabaris antimonii, cinnabaris lunæ, specificum cephalicum Michaelis, & martialia omnia, in specie Tincturæ martiales, cum arcano tartari liquido, crocus martis aperitivus, cum sulphure, & ex hoc paratus pulvis cachecticus Quercetani. Chemici nonnulli perfectam arthritidis curam per mercurium diaphoreticum, arcanum corallinum, aurum horizontale, &c. promittunt; sed mercurialibus hisce non ubique fidendum. Succinum, quod ad regnum minerale referri debet, est anodynum & antispasmodicum. Ideo cum cinnabarinis, castorinis, viperinis, lumbricatis, &c. ad dolores imminuendos, & insensibilem transpirationem promovendam, commode misceri potest. Ad dolores imminendos etiam egregie se commendant liquores anodynii minerales dulces & fragrantés, ex oleo vitrioli parati, & præsentī seculo in re medica satis satis noti atque laudati. Hi tutissime possunt applicari pro usu interno, ob virtutem bezoardicam, simul coniunctam, immo pro usu externo. Denique huc referri debent acidulæ & thermæ.



§. XXXV.

Externorum & topicorum remediorum, in arthritide laudatorum, ingens, & fere ineffabilis datur copia, quorum tamen applicatio facile in aegrotantium detrimentum cedere potest. Sane in hoc morbo remedium, alias laudatissimum, fieri potest noxium & perniciosum repellens. Optimi ideo Medici omnium topicorum remediorum usum plane interdixerunt, & modo commendarunt foci calidos expelliculis, quo conservetur humorum circulatio, & in artubus necessaria transpiratio. Laudantur vero primo cataplasmata ex hyoscyamo, bono Heinricho, floribus sambuci, aliisque notissimis emollientibus & pargoricis; secundo emplastra, ut diapalmæ, de hyoscyamo, antipodagricum TACKII, BARBETTI, cera catholica BURRI, &c. quæ ex resinis odoriferis, ut gummi ammoniaco, galbano, opoponace, bdellio, assa foetida, gummi elemi, taca nahaca, olibano, sagapeno, croco & camphora, tanquam principalioribus ingredientibus, componuntur, quorum sal volatile oleosum resolvens & anodynum est. Tertio ex hisce resinis, oleis, pinguedinibus, axungis atque medullis componuntur balsama, antipodagrica dicta, quo pertinet oleum hyoscyami, petrae, verbasci, castorei, calcis vivæ, sive Philosophorum, pinguedo cati sylvestris, porci, vulpis, axungia cervi, medulla mandibularum inferiorum equorum, secundum nonnullorum, & fortassis superstitionum & Empiricorum, sententiam. Quarto huc referendi spiritus vinosi & urinosi, ut camphoratus, myrrhatus, crocatus, florum lavendulae, foliorum roris marini, basilici, lumbricorum, formicarum, cochleariae, theriacalis camphoratus, balsamus Anglicanus, spiritus arthriticus, linimentum nervinum WEDELII. In specie in doloribus articulorum resolvens & anodynum egregium est spiritus salis ammoniaci vinosus, cum genui-

no.



no oleo anthos & lavendulæ permixtus. Videndum tamen, ne hæc omnia, aliaque similia, fiant repellentia, quæ fermenta, ad latera cutis devoluta, versus interiora retrudunt, ideoque provide, & non semper, nec in maxima dosi applicanda. Sunt nonnulli, qui aquosa linimenta quoque commendant, sed de his nullum solatium, & salutarem effectum expectare possumus. Ob defectum enim particularum spirituosarum, non sufficienter resolvere possunt materiam arthriticam stagnantem, & profunde latitantem circa articulorum internodia. Talia sunt lixivia antipodagrica, ut VLADISLAI IV. sequentis compositionis. Rec. lixivii calcis vivæ, per aquam spermatis ranarum, & omnium florum, facti, libras ij. Salis ammoniaci pulverisati ℥ss. Misce hæc in vase cupreo, donec saphiri acquirant colorem. Hæc aqua filtrata, deinceps calefacta, cum linteaminibus parti dolenti applicatur. Hæc aqua quadantenus quidem spirituosa est, sed non sufficienter. Similis fere compositionis est aqua antipodagrica IOHANNIS CASIMIRI, quæ constat ex phlegmate vitrioli, aqua spermatis ranarum destillata, ana libra j pulveris myrrhæ unciis ij. quæ mixtura quoque, cum linteaminibus, calide applicatur. Huc pertinet solutio lapidis divini D. D. KRAFFT's, qui lapis ita paratur: Recipe anodynæ mineralis, sive vitrioli Hungarici, libram j. Salis ammoniaci libram semis, tartari albi, aluminis crudi, ana uncias IV. Salis gemmæ uncias ij. Pulverisata inde ollæ vitreæ, satis capaci, & affunde aceti florum sambuci libras iij. Coque, leniter agitando baculo ligneo, materiam, donec spissescat. Postea additur sacchari Saturni, viridis aeris crySTALLINI, ana ℥j. iterumque coquitur, & materia tota in substantiam lapideam convertitur. Denique uncia semis hujus lapidis in libra j. aquæ spermatis rana-



rum diffolvitur, & calide, ut antea, applicatur. Compensatioris compositionis est lapis ille divinus, præfenti féculo Parifiis ufatus, fequentis compositionis. *La Pierre Divine.* Rec. IV. Onces de vitriol de Chypre, IV. Onces de Salpetre, ou de Nitre, IV. Onces d' Alun de Roche. Il faut metre tout cela en poudre, & le faire fondre dans' un pot neuf verniffé, d' abord a petit feu & puis, a un plus grand feu, jufqu' a ce, que tout foit fondu. Jettes enfuite dans cette matiere un gros de camphre mis en poudre, remuez tout avec vne Spadule de bois. Lorsque le Camphre fera bien fondu, & bien incorpore, avec les autres matieres, couvrez le pot de fon couvercle, & le lutez avec de la bate de farine. Laissez refroidis cette composition durant XXIV. heures. Après vous cafferez le pot, & vous trouverez une pierre verte, qu'il faut feparer proprement des morceaux du pot. On conferve cette pierre dans une phiole de verre, pour empêcher l' euaporation de ce qu' elle contient de fpirituex, & de volatile. Hæc omnia in ulceribus quidem funt epulotica, immo & in inflammationibus quibusdam locum inveniunt; veruntamen hic non quadrant.

§. XXXVI.

Diæta in arthritide accurate observanda. Vitetur aër frigidus; cibus & potus fit facilioris digestionis, & laudabilis fucci, abstinendum a potulentis vinosis, ac decocta aquola, in specie radicis farsaparillæ, Chinæ & scorzonæ, immo ptifanæ commendanda; fomnus promovendus; excretiones liberæ fervandæ; & animi affectus, in specie ira atque triftitia, evitandi.

S. D. L. & G.